

Rekordna zainteresiranost srednjoškolaca na prijemnom ispitu za studij na BURCH univerzitetu

Mar 31, 2019

U nedjelju, 31.03.2019. godine, u kampusu Internacionalnog Burch univerziteta, održan je prijemni ispit za srednjoškolce, odnosno nove studente za akademsku 2019/2020. godinu. Prijemnom ispitu je ovog puta pristupio veliki broj srednjoškolaca iz Bosne i Hercegovine i regiona koji se pored Sarajeva održao u Zenici, Tuzli i Bihacu.

Obzirom na sve manji broj djece, samim tim i srednjoškolaca u BiH, ekipa koja je vrijedno radila na spremanju materijala za prijemni ispit i na marketingu istog, kao i ostalo osoblje Burch univerziteta koje je pomagalo oko svih priprema, više je no zadovoljna i sretna rekordnom izlaznošću na prijemni ispit za stipendije na Burch univerzitetu. Da, dobro ste procitali; prijemnom ispitu za stipendije pristupio je doista rekordan broj srednjoškolaca, kako iz Sarajeva tako i iz drugih bosanskohercegovačkih gradova. Velika izlaznost učenika i učenika srednjih škola na prijemni ispit za stipendije koji je organizirao Internacionalni Burch univerzitet je jasan pokazatelj da je Burch univerzitet jedna od vodećih visokoobrazovnih ustanova u BiH i regiji.

„Velika je odluka pred vama. Prije svega šta, a zatim i gdje studirati. Velike odluke sa sobom nose i važne dane, trenutke, polemike. Danas je veliki dan, danas je prijemni ispit za stipendije na Internacionalnom Burch univerzitetu. Visoka je brojka zainteresiranih studenata, mnogo veća nego prethodne godine, za studij na Internacionalnom Burch univerzitetu. Ova visoka brojka dokaz je da smo proteklih mjeseci, a i godina, dobro radili svoj posao. Ono što danas želim poručiti mladim djevojčicama i djecacima jeste da se koncentrišu i pokažu svoje znanje i da spremni zakorace u novu fazu svog života. Mi, profesori, tu novu fazu zovemo faza studiranja i na Internacionalnom Burch univerzitetu želimo vas, već spremne, podržati i pomoći vam u vašim ostvarenjima“, istakao je prof. dr. Damir Marjanovic, rektor Internacionalnog Burch univerziteta.

Pored rektora, prof. dr. Marjanovica, o prijemnom ispitu je također govorio i prof. dr. Senad Becirovic, dekan Fakulteta za edukaciju i humanističke nauke Internacionalnog Burch univerziteta. Ovom prilikom, prof. Becirovic je rekao kako je izuzetno zadovoljan odzivom učenika, te da očekuje da će svi fakulteti i studijski programi Burch univerziteta biti popunjeni, iako iz godine u godinu sve manji broj srednjoškolaca upisuje fakultete u Bosni i Hercegovini.

Rezultati ispita biti će objavljeni na našoj stranici www.ibu.edu.ba.

International Burch University | www.ibu.edu.ba